

**Zeitschrift:** Bündner Schulblatt = Bollettino scolastico grigione = Fegl scolastic grischun

**Herausgeber:** Lehrpersonen Graubünden

**Band:** 67 (2005-2006)

**Heft:** 3: Sport und Bewegung

**Rubrik:** Pagina Rumantscha

#### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 28.07.2025

**ETH-Bibliothek Zürich, E-Periodica, <https://www.e-periodica.ch>**

## ● Rapport presidial a caschun dil di da romontsch dils 30/11/2005 a Rueun

Prezai collegas

Seo vus segregurdeis forsa, hai jeu giu entschiet avon in onn il rapport cul maletg dil bastiment senza capitani.

### 1 onn pli tard:

Il bastiment senoda a moda calma sillar mar. Ed il capitani sedamonda:

«il ruaus avon il stemprau?»

Avon exactamein 1 onn ha la suprastanza dalla CGRS organisaus ensemens cul CCM il dia romontsch a Vella sut il tema «Mieds d'instrucziun electronics per la scola sursilvana». L'organisazion dil di, il decours dil di ed era igl interess demussaus dils scolasts sursilvans ein stai buns.

Era il suentermiezdi culla radunanza statutaria e la discussiun «RG en scola» ein stai interessants. Oravontut ei vegniu discutau suenter la presentaziun dils resultats dil sondadi pertuccont l'acceptanza dil RG tiels scolasts sursilvans – a moda aviarta, directa ed objectiva ils Pros ed ils Contras d'in'introducziun integrala dal RG en scola. Il resultat della discussiun ed il sondadi ein lu vegniu surdai directamein ad Ivo Berther p.m. dalla gruppera dil concept «RG en scola».

Alla fin digl onn 2004 ha la regenza grischuna deliberau il concept definitiv per l'introducziun dil RG en scola – e quei fagend enqual midada en cumparegliazion cul sboz (p.ex. Eliminaziun dalla fasa «RG activ 2» = RG plida en singulas lecziuns en scola).

Sper las radunanzas usitadas da suprastanza cun ils accents sin «seconstituir sco suprastanza CGRS», sin «discutar damondas actualas» e sin «planisar il di da scolaziun» ei nossa suprastanza era vegnida envidada dad Ivo Berther ad in'informaziun ed in brat da meinis en connex cul project RG en scola. Nus essan secunvegni da s'entupar da temps en temps cul menader da project Ivo Berther e da vegnir informai co la realisaziun dil concept sespleiga.

Prezai scolasts – il RG ei ina realitat – aschi dultscha ni ascha ch'ella po esser. Sin fundament dil sondadi e dalla discussiun menada avon in onn ha la suprastanza dalla CGRS priu la legitimaziun da planisar il di da scolaziun sut il tema «Crash-cuors

en RG». In pign schatg – per enqualin forsa schizun gl'emprem.

E co vespa ei ora pertuccont RG ellas ulteriuras regiuns romontschas dil cantun?

Ellas ulteriuras regiuns romontschas dil cantun vegn la tematica tractada a moda fetg differenta. Daferton che la Val Müstair ha decidiu il zercladur 2005 d'introducir il RG en scola tenor la varianta «pionier» – refusa la CGL aunc adina diltuttatagl l'introducziun sco vus haveis saviu endriescher da lur radunanza generala che ha giu liug precis avon 1 jamna.

La CGS la finala ha in meini positiv arisguard l'introducziun dil RG en scola e vegn proximamentein a discutar davart l'introducziun

E tier nus? Co vinavon? Sedamonda forsa beinenqual scola sursilvana.

Jeu manegiel che las scolas sursilvanas e nus scolasts sursilvans havein pulitas outras sfidas aunc avon nus – sche nus patertgein mo vid la discussiun pertuccont fusius da scolas cun tut lur consequenzas. Ni sch'eis va persuenter da promover ina schientscha «romontsch».


E cun quei vi jeu buc bagatellisar la discussiun dall'introducziun dil RG en scola – insumma buc. L'introducziun dil RG astga

denton buc esser il crap da scarpetsch dentner nus.

Jeu less engraziar da tut cor a mes consuprastonts che han collaborau excellentamein. Mo oravontut less jeu admetter in engraziel a mintgin da vus che sestenta adina puspei da cultivar ina schientscha romontsch.

Rueun, la fin november 2005

David Flepp, president dalla CGRS



Il cudaschet «Cara tatta, Tia Susi!» ei in'ediziun comunabla dalla Lia Rumantscha e las unions affiliaas UdG, URS, Romania e Renania en tus idioms. Da retrer en tuttas librarias per il prezi da frs. 8.00

**CCM** Scuntrada e formaziun Surselva  
SFS  
Via principala 42  
7031 Laax

### „rumantsch grischun“ per scolastAs

#### Nus purschin suandonts cuors:

**A. rumantsch grischun per entscheiders** (10x2 lecziuns) introducziun el vocabulari ed ella grammatica

**B. rumantsch grischun per avanzai** (10x2 lecziuns) perfecziunament e conversaziun

**prezi:** pli bia interessents che s'annunzian e pli favoreivel  
**liug:** tenor annunzias

**termin:** tenor cunvegnientscha (il giavisch da far in cuors da stad ei vegnius deponius e nus previn da far era quella purschida. Remarchei sin l'annunzia tgei varianta che Vus preferis!

infos ed annunzia: [www.scuntradasurselva.ch](http://www.scuntradasurselva.ch)